



PARTSBREV ENKELSAK

Ålesundregionen interkommunale miljøsekskap IKS
Langelandvegen 1
6010 ÅLESUND

Dykkar ref.

Vår ref.

10/605-77/FA-M50, TI-&85//AO

Dato:

13.02.2017

Høyringsfråsegn frå Stordal kommune ang. strategi for ÅRIM 2017 - 2025

Stordal formannskapet behandla ovannemnde sak i møte 08.02.17, og gjorde følgjande vedtak under sak 006/17:

FS-006/17 VEDTAK:

Stordal formannskap vedtek høyringsuttale til Strategi for ÅRIM i samsvar med det som går fram av vurderinga i saka.

Jf. vedlagde særutskrift.

Med helsing
Stordal kommune

Alexander Oudijk
Konsulent

Kopi til:

Anne Berit Løset
Eva Hove

Vedlegg:

- | Nr. | Vedlegg |
|-----|--|
| 1 | ÅRIM Interkommunalt miljøsekskap avfall og slamhåndtering - slamtøming |
| 2 | Strategi for ÅRIM 2017 - 2025 høyringsutkast |
| 3 | Offentleg ettersyn - strategi for ÅRIM |



- des felle triset!

SAKSPAPIR

Endeleg vedtaksorgan: Formannskapet Saksansvarleg.: Anne Berit Løset	Arkiv: FA-M50, TI-&85 Objekt:	Arkivsaksnummer 10/605
---	-------------------------------------	---------------------------

SAKSGANG			
Saksnr	Styre, utval, komite m.m.	Møtedato	Saksbehandlar
006/17	Formannskapet	08.02.2017	ABL

Strategi for ÅRIM - uttale ved offentlig ettersyn

Vedlegg i saka:

Nr.	Vedlegg
1	Strategi for ÅRIM 2017 - 2025 høyringsutkast
2	Strategi for ÅRIM 2017 - 2025 - vedl. 1 Bakgrunn og historikk
3	Strategi for ÅRIM 2017 - 2025 - vedl. 2 Rammevilkår og regelverk
4	Strategi for ÅRIM 2017 - 2025 - vedl. 3 Fakta om avfalls- og slamhandteringa i Ålesundregionen i dag
5	Offentleg ettersyn - strategi for ÅRIM
6	Oversendingsskriv

Andre saksdokument (ikkje vedlagt):

Saksopplysningar:

Styret i ÅRIM foreslår ein ny strategi for selskapet. Representantskapet i ÅRIM har i møte 28.oktober 2016 vedteke at strategien blir lagt ut til offentlig ettersyn.

Til grunn for strategiarbeidet ligg tre grunnlagsdokument:

1. Dette er ÅRIM – bakgrunn og organisering
2. Rammevilkår og regelverk som regulerer avfallshandteringa i Ålesundsregionen
3. Fakta om avfalls- og slamhandteringa i Ålesundregionen i dag

Høyringfrist er sett til 20.februar 2017.

Vurdering:

Ordførar og rådmann har vurdert forslag til strategi for ÅRIM, og ein rår til at Stordal kommune gir følgjande høyringsuttale i saka:

Stordal kommune meiner Strategiplanen for perioden 2017 – 2015 er god. Dokumentet gir på ein oversiktleig måte både ein presentasjon av kva som er dei største utfordringane innan avfallssektoren, og kva for tiltak som kan vere mest føremålstenlege for å kunne nå dei nasjonale og internasjonale måla innan avfallssektoren.

Eitt av hovudsatsingsområda i strategien er at meir avfall skal gjenvinnast og gjenbrukt. Skal dette lykkast, meiner ÅRIM at fråsortering av matavfall er eit naudsynt tiltak. Stordal kommune

sluttar seg til den vurderinga og til framlegget om å innføre ei ordning der matavfall vert sortert ut. Det er ingen grunn som skulle tilseie at vårt område skulle ligge lågast på skalaen når det gjeld sortering av avfall, og det er såleis på tide at ei slik sorteringsordning vert innført også for ÅRIM sine abonnentar.

Stordal kommune sluttar seg også til ÅRIM sin intensjon om å samarbeide med andre aktørar med tanke på å utnytte matavfallet som ein ressurs, til dømes ved å produsere biogass. Vi registrerer at der kan vere ulikt syn på om biogassproduksjon er det mest kostnadseffektive, men meiner likevel at ÅRIM, saman med andre renovasjonsverk skal vurdere ei slik løysing, slik det vert skissert i strategiplanen.

Å kjeldesortere avfallet er ein ting, noko anna er tiltak som kan redusere avfallsmengda. I følgje strategidokumentet, vert det i vårt område kasta mellom 90 – 100 kilo matavfall pr innbyggjar pr år. Det tilseier at tiltak som kan redusere mengda mat som vert kasta, også må vere eit svært viktig tiltak. Ein ser i dag tiltak innan daglegvarebransjen som reduserer at mat vert kasta, til dømes sal av matvarer til reduserte prisar, at matvarer vert gitt bort osv. Stordal kommune vil oppmode ÅRIM å vurdere om der er initiativ selskapet kan ta overfør aktuelle aktørar, tiltak som kan bidra til at mengda mat som vert til avfall kan bli redusert. Påverke matvarebransjen til mindre forpakningar kunne vere eitt slik tiltak.

I strategiplanen vart det også foreslått ei henteordning for glas og metall. Denne ordninga vil avløyse dagens ordning der glas og metall vert levert i utplasserte containarar. Erfaring tilseier at dersom ein skal få hushaldningane til å vere konsekvente i å sortere avfall, så må det praktisk leggast godt til rette. At glas og metall vert henta heime hos abonnenten, vil dermed truleg auke sorterings- og gjenvinningsgraden av glas og metall – samanlikna med eksisterande ordning. Vi støttar innføring av ei henteordning.

Stordal kommune stiller derimot eit spørsmål ved behovet for at ÅRIM skal bruke midlar til utarbeiding av opplæringsopplegg retta mot barn og unge. Ikkje fordi dette ikkje er viktig, men fordi vi meier dette alt er tatt godt i vare gjennom læreplanar, lærebøker og undervisningsopplegg som alt finst.

FRAMLEGG TIL VEDTAK:

Stordal formannskap vedtek høyringsuttale til Strategi for ÅRIM i samsvar med det som går fram av vurderinga i saka.

Behandling i FS-møte 08.02.17:

Ingeborg Ukkelberg, kommunikasjonsansvarleg ÅRIM orienterte om strategi for ÅRIM.

Rådmannen sitt framlegg til vedtak vart samrøystes vedteke.

FS-006/17 VEDTAK:

Stordal formannskap vedtek høyringsuttale til Strategi for ÅRIM i samsvar med det som går fram av vurderinga i saka.